



**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

XXVI La vie de saint Braule.

---

[urn:nbn:de:hbz:466:1-75749](https://nbn-resolving.org/urn:nbn:de:hbz:466:1-75749)

LA VIE DE SAINT BRAULE  
Euesque de Saragoce.

26.  
MARS



**L**E bien-heureux saint Braule, estoit frere de Iean Euesque de Saragoce, & son successeur en l'Euesché: aucuns ont escrit qu'il estoit natif de la mesme ville, & du sang des Roys Gots d'Espagne. Dés son enfance il donna de marques de son bel esprit & inclination à toutes sortes de vertus & de sciences, lesquelles il apprint en sa ieunesse, & s'estudia aux langues, & aux lettres diuines & humaines, où il fit Isidore Archeuesque de Seuille, qui fut de son temps la lumiere d'Espagne, & vn puits de science. Ce sage Prelat auoit fait bastir à Seuille vn College pour instruire la noblesse, qu'on y enuoyoit de tous les costez de l'Espagne, & le Saint s'occupoit volōtiers à cēt exercice, à cause qu'il importoit grandement à toute la Republique que la ieunesse, cōme des antes nouuelles, soit bien dressée & cōduite du commencement par la droicte voye de la vertu. Saint Braule fut l'vn de ses disciples, & digne d'vn tel maistre qu'Isidore, ainsi qu'il fit paroistre tout le long de sa vie. Car encore qu'il ne fust que sō disciple, & qu'il le consulta souuent des difficultez qu'il trouuoit en la sainte Escriture, neantmoins son maistre en faisoit autant de cas, qu'il luy enuoyoit ses œures pour les reuoir & corriger, grand témoignage de l'humilité & modestie de saint Isidore, de la bonne opinion qu'il auoit de la rare & excellente doctrine de Braule: de fait, il luy enuoya le liure des Etymologies qu'il auoit composé à sa priere.

Saint Braule fut Archidiacre de l'Eglise auant que d'estre Euesque. Lors que le siege vint à vacquer, par le deceds de son frere Iean, les Euesques s'assemblerent, & Braule avec eux bien esloigné de ce qui luy succeda: soudain vn globe de feu luisant descendit du Ciel, & se posa sur sa teste, & l'on oīit vne voix qui dit ses paroles du Propheete Isaye: Voicy mon seruiteur que j'ay esleu, auquel mon esprit repose. Les Prelats bien esmerueillez de ceste nouueauté, remercierent nostre Seigneur de ce qu'il auoit déclaré sa volonté par vn miracle si apparent, à laquelle vn chacun se conformant, il fut esleu Euesque & supplié de les prescher sur le champ. Le Saint ploya les espauls sous le fardeau que Dieu luy imposoit, & pour satisfaire aux Prelats, il leur fit vne exhortation remplie de tant de doctrine, de serueur & d'esprit, comme celuy qui estoit esclaire de la lumiere du Ciel, & auoit esté esleu à vn haut ministere de la propre main de Dieu.

Il se trouua en trois Conciles de Toledē, à scauoir au quatriesme (auquel son maistre S. Isidore presida) cinquiesme & sixiesme. Au cinquiesme qui se celebra l'an six cens trente-six (cōme escrit Rodrigue Rimene Archeuesque de Toledē, en son histoire: non le sixiesme, cōme d'aucuns sou-

stiennent) Saint Braule y eut beaucoup de credit, ce fut luy qui dressa les Canons du Concile, & tout le poids des affaires tōba sur luy, cōme estant personne d'vne tres-signalée saincteté, science & prudence: il escriuit vne lettre au Pape, qui estoit lors Honoré premier, d'vn style si poly & elegant, qu'elle fut leuë & receuë à Rome avec admiration.

Le sixiesme Concile estant acheuë, saint Braule s'en retourna en son Eglise de Saragoce, pour nourrir son troupeau comme vn bon Pasteur, & arracher la zizanie de l'Eglise Arrienne, qui estoit encore enracinée parmy le bon grain, & auoit poussé des reiettons & reliques de son venin. Ce combien que les Rois Gots, & les autres principaux d'Espagne fussent eschappez des tenebres de ceste heresie, & eussent embrassé la foy Catholique, au troiesme Concile de Toledē, sous le Roy Recarede: toutesfois, ce mal contagieux auoit penetré si auant qu'il estoit impossible de l'extirper tout d'vn coup, & fut necessaire de guarir peu à peu les vlcères inueterés.

Ce fut à quoy Saint Braule s'employa en son Euesché, avec beaucoup de soin & de vigilance, preschant souuent, & instruisant les ignorans, faisant voir les auengles, surmontant les obstinés par des passages de la sainte Escriture, si clairs & expres que les aduersaires ne luy pouuoient rien expliquer: Et afin qu'on sceuist que c'estoit le saint Esprit qui luy inspiroit ce qu'il preschoit en ses Sermons, on vit vne fois vn pigeon sur son eapaulé qui sembloit luy souffler aux oreilles ce qu'il disoit: de maniere, que par le soin & diligence d'vn si bon iardinier, les espines & chardons des erreurs Arriennes furent sarcelz du champ de l'Eglise, & il y sema au lieu la parole diuine de la verité Catholique. Cela fait, le S. Prelat se resdoit fort assidu en l'Eglise de sainte Marie Majeur, & du Pillier de la ville de Saragoce, s'employant iour & nuict à seruir Dieu & la Vierge sa Mere, dans le sanctuaire de laquelle il faisoit residence. Il s'entremettoit de la fabrique & ornement des Eglises, & l'augmentation du seruire diuin, & de fait, il fit bastir vne Eglise sur le tombeau des saints Martyrs saint Eugrace, & de ses dix-huict compagnōs, & des innombrables Martyrs de Saragoce, qui se nommoit anciennement l'Eglise des saintes Masses, à present dite saint Eugrace, où depuis le Roy Ferdinand fit bastir vn somptueux Monastere pour les Hieronymites, afin que les Saints soient plus honorez, & le peuple mieux edifié par l'exēple, retraicte & Religio desdits Peres qui y demeurēt encore à present.

Saint Braule estoit fort humain & benin aux bons, mais aussi graue & rigoureux enuers les superbes, & rebelles aux commandemens de Dieu & de son Eglise. Il abhorroit (ainsi qu'on dit de saint Augustin) les vestemens precieux & delicats, ne se seruant que des plus rudes & communs, sans aucune façon ny enrichissement. Il estoit sobre en son manger, & droit à rendre laustice, seruēt à prescher la parole de Dieu, eloquēt & persuasif à conuainere les aduersaires par vnes raisons, & à dissiper par la splendeur de la doctrine Euangelique les tenebres des heretiques.

Il estoit tres-liberal aux pauvres, & propt à pour-  
uoir aux necessitez d'autrui. Il fut Euesque vingt  
ans sous les Rois d'Espagne, Sisenand, Chintule,  
Tulge, & Cindafuinde. Au bout de ce temps,  
tout comblé d'ans & de merites, apres auoir re-  
ceu tous ses Sacremens il rendit l'ame à Dieu,  
laissant la ville & son Euesché bien triste d'auoir  
perdu vn si excellent maistre, pere & pasteur. Il  
deceda vn Dimanche au matin dix-huictiesme de  
Mars, enuiron l'an 646. auquel iour on celebre  
sa Feste par tout l'Archeuesché de Saragoce, &  
en l'Eglise de nostre Dame du Pillier. L'Arche-  
uesque de Tarragone, & quelques autres Eues-  
ques qu'il vindrent visiter & assister à l'heure de  
son trespas, ouyrēt chanter les Anges, & vne voix  
qui dit: Leue toy, & t'en viens, mon amy. A la-  
quelle le Saint (comme celuy, qui est resueillé  
d'vn profond sommeil) respondit: Je m'en vais  
tout à ceste heure, mon Seigneur. Son corps  
saint fut porté en terre par les Euesques assiste-  
z de tout le Clergé & du peuple, & mis sous l'Au-  
tel de saint Iacques, qu'il auoit fait eriger: de là  
il fut transporté en vn autre endroit de la mesme  
Eglise, & par l'inuasion des Mores durant la per-  
te d'Espagne, il fut caché plus de six cens ans, sans  
qu'on sceut où il estoit: iusqu'à ce que l'an 1270.  
comme dict le Cardinal Baronius, & 152. ans  
apres que les Chrestiens eurent chassé les Mores  
de Saragoce, le bien-heureux saint Valere s'ap-  
parut à vn Euesque de Saragoce, nommé Pier-  
re, & luy reuela où estoit le corps saint, lequel  
fut trouué ainsi & enterré iectant vne tres-suaue  
odeur. On le tira de là, & fut porté deuant le  
grand Autel de ladite Eglise, où il est encore au-  
iourd'huy dans vn magnifique tombeau, respec-  
té de ceste grande ville, comme leur singulier  
patron: & nostre Seigneur fit plusieurs miracles  
en la translation, & de laquelle l'Eglise de Sara-  
goce fait memoire le dix-neufiesme de Iuil-  
let.

Saint Braule escriuit, comme dit saint Ilde-  
fonse, quelques ceures, & entr'autres la vie de  
saint Milan Moyne, qu'on trouue à present es-  
crite à la main, par laquelle il declara la saincteté  
de Milan, & illustra sa memoire. Le Martyrolo-  
ge Romain fait mention de saint Braule le 26.  
Mars, & saint Ildefonse au liure des hommes il-  
lustres, & l'Archeuesque de Toledo Rodrigue, &  
le Cardinal Baronius es Annotations sur le Mar-  
tyrologe, & au 8. Tome de ses Annales, & en d'au-  
tres Auteurs, qui escriuent des vies des Saints,  
ou l'histoire d'Espagne.

*A Rome deceda Saint Castule martyr, lequel ayant charge  
des cabinets du Palais Imperial, & receuant en son logis les  
Chrestiens, fut prins par les persecuteurs, trois fois pendu en l'air,  
trois fois examiné par le Iuge, & perseverant tousiours en la Foy  
de nostre Sauueur, fut iecté dans une fosse, puis on lascha sur luy  
vne grande masse de sable, de laquelle il fut accablé & martyrisé.  
Au mesme lieu furent couronnéz du martyre S. Pierre, Marcia,  
Iovin, Theodecastian & autres. A Pentapolis ville de Libye mou-  
rurent S. Theodore Euesque, Irenée Diacre, Serapia & Ammoine  
lecteurs. A Sirmio les SS. Monté & Maxima, qui furent iectez  
dés la riuere pour la confession de la Foy. Item les saints martyrs  
Quarri, Theodose, Emamiel, & autres quarante. En Ale-*

*xandrie trespasserent les Saints martyrs Eutychie, & autres  
lesquels sous l'Empereur Constance & le gouverneur Sebastian, &  
George Euesque Arrien, furent massacrez pour la Foy de Je-  
sus-Christ. A mesme iour mourut saint Estienne Confesseur,  
lequel pour auoir defendu les saintes images, fut battu de verges  
sous l'Empereur Leon, surnommé l'Armenien, & enuoyé en exil,  
où il mourut. Item saint Lueder Euesque de Munster, qui  
prescha l'Euangile à ceux de Saxe.*

LA VIE DE SAINT NARCISE,  
Euesque de Gironne & Martyr.



SAINCT Narcise nasquit à Gironne  
d'vne des noble familles de la vil-  
le, du temps que l'Empereur Aure-  
lian persecutoit les Chrestiens: il  
s'enfuit de la ville avec vn<sup>d</sup> de ses  
Diacres, nommé Felix, & s'en alla  
en la garde de Dieu vers l'Allemagne, en intentiō  
d'annoncer l'Euangile à ces peuples, & les con-  
uerterir à la Foy Catholique. Il passa par Aushourg,  
& s'y voulant loger, il fut conduit en la maison  
d'Afra, femme de qualité, mais dissoluë. Car  
Afra estoit fille de Hilarie, qui auoit esté Roynne  
de Cypre, ou au moins, la plus riche & puissante  
Dame de l'Isle, laquelle ayant perdu en vn iour  
de bataille son mary, son estat & ses biens, s'estoit  
retirée avec sa fille Afra, & son frere Denis, & le  
reste de leur famille, par inspiration diuine en la  
ville d'Aushourg. Et tout ainsi que Venus auoit  
esté vne femme publique en l'Isle de Cypre, où  
elle estoit adorée comme vne Deesse par dessus  
les autres Dieux, & le peuple abusé par les Pre-  
stres de Venus, estimoit, que tant plus il s'adon-  
noit à la lasciuete, c'estoit faire des sacrifices ag-  
greables à Venus, (les Gentiils adoroient de sem-  
blables monstres) & Hilaire voulant consacrer sa  
fille à la Deesse Venus, afin qu'elle luy fut plus  
faorable, luy permit de viure en courtesane des-  
bauchée, & d'auoir plusieurs amis. Afra menoit  
ceste vie, quand Narcise entra en sa maison, en-  
core que le Saint en fust ignorant. Dieu l'y con-  
duit pour le salut de tous ceux du logis, entr'au-  
tres d'Afra, qu'il retira de l'abyssine des turpitu-  
des & saletez, laquelle estant enuolopée des te-  
nebres de l'idolatrie, & de l'ombre de la mort  
n'apperceuoit pas sa misere. De fait comme Nar-  
cise entra dans le logis, Afra pensoit que c'estoit  
vn des ruffiens, qui auoit accoustumé de la venir  
courtiser: toutesfois, elle sceut depuis que c'estoit  
vn Euesque des Chrestiens, & par la priere que  
fit le saint toute la nuit, & vne souveraine lu-  
miere qu'elle veid, elle fut tellement changée,  
que sa mere, elle, & Digne, Eunomie, & Eutro-  
pie ses trois seruantes, se conuertirent à No-  
stre Seigneur, & apres auoir ieuné sept  
iours, elles furent baptisées, & plusieurs, sui-  
uant leur exemple, se firent Chrestiens, &  
furent Martyrs de Iesus-Christ, & saint Nar-  
cise prescha dans ceste ville, & gagna tant  
d'ames à Nostre Redempteur, que ceux d'Auf-  
bourg le tiennent pour leur maistre & Apostre.

Hh ij